

«Яхшилик қил — 2021» танлов ғолибларини тақдирлаш маросими ўтказилди



17:30 / 24.05.2021 2320

Маълумки, Вақф хайрия жамоат фонди, халқимиз орасида ўзаро бирдамлик ва меҳр-оқибатни кенг тарғиб этиш ва шу йўлда хизмат қилаётганларни рағбатлантириш мақсадида «Яхшилик қил — 2021» ижодий ишлар танловини эълон қилган эди.

Бугун 24 май куни ушбу танлов ғолибларини тақдирлаш маросими ўтказилди. Маросимга Ўзбекистон муслмонлари идораси раиси биринчи ўринбосари *Ҳомиджон домла Ишматбеков*, Ўзбекистон муслмонлари идораси бўлими мудир *Муҳаммад Айюб домла Ҳомидов*, Ўзбекистон Республикаси Вазирлар Маҳкамаси ҳузуридаги **Дин ишлари бўйича қўмитанинг** исломий диний-маърифий ташкилотлар ва имом-хатиблар билан ишлаш бўлими бошлиғи *Муҳиддин Ҳакимов* ва танловда саралаш

босқичидан ўтган иштирокчилар ташриф буюрдилар.

Танлов 3 йўналишда ўтказилди.

Яхшилиқни тарғиб этувчи:

«Энг яхши видеоролик» – 7 000 000 сўм;

«Энг яхши мақола» – 5 000 000 сўм;

«Энг яхши инфографика» – 3 000 000 сўм билан тақдирланди.

«Энг яхши инфографика» бўйича олий ўрин Дилафруз Қурбоновага насиб этди ҳамда ғолиба 3 000 000 сўм пул мукофоти ва диплом билан тақдирланди. Шу номинация бўйича Дилфуза Каримовага шайх Муҳаммад Содиқ Муҳаммад Юсуф ҳазратларининг «Тафсири Ҳилол» китоблари ва диплом, Абдусамад Салимжонов, Луқмонжон Лутфуллаевлар эсдалик совға ва махсус сертификат билан тақдирландилар.

Image not found or type unknown



«Энг яхши видеоролик» бўйича олий ўрин islom.uz порталининг медиа йўналиши ходими Ёрқин Халилга насиб этди. Ғолибга ҳомийлар томонидан 7 000 000 сўм пул мукофоти топширилди. Шунингдек, ушбу йўналишда Бахтиёр Муҳаммад ва Муҳаммад Умарлар шайх Муҳаммад Содиқ Муҳаммад Юсуф ҳазратларининг «Тафсири Ҳилол» китоблари ва диплом билан тақдирландилар.

Image not found or type unknown



«Энг яхши мақола» бўйича олий ўринни эса Ҳайитмурод Ережепов эгаллади. Ҳомийлар томонидан ғолибга 5 000 000 сўм пул мукофоти топширилди. Шунингдек, Нилуфар Саидакбарова, Мадина Абдуллаева, Дилмурод Мирзоларга шайх ҳазратларининг «Тафсири Ҳилол» китоблари ва дипломлар топширилди.

«Яхшилик қил — 2021» танлов ғолибларини тақдирлаш маросими жонли эфирда узатилди.

«Расулulloҳ соллalloҳу алайҳи васаллам: **«Ҳар бир маъруф садақадир. Яхшиликка далолат қилувчи худди уни қилувчи кабидир»**, дедилар».

Азизлар, яхшилик йўлида ҳамкорлик қилайлик!

Хуршид Маъруф тайёрлади